

Na osnovu čl. 69. Zakona o visokom obrazovanju Kantona Sarajevo ("Službene novine Kantona Sarajevo", broj 36/22), čl. 35. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), čl. 104. Statuta Univerziteta u Sarajevu, broj: 01-1093-3-1/18 od 28.11.2018. godine, Vijeće Univerziteta u Sarajevu – Elektrotehnički fakultet na 14. redovnoj sjednici održanoj dana 03.10.2022. godine, donosi

PRAVILNIK O PREVENCIJI I SUZBIJANJU KORUPCIJE
NA UNIVERZITETU U SARAJEVU – ELEKTROTEHNIČKI FAKULTET

Član 1.

Ovim se Pravilnikom o prevenciji i suzbijanju korupcije na Univerzitetu u Sarajevu – Elektrotehnički fakultet (u daljem tekstu: *Pravilnik*) uređuje postupak internog prijavljivanja korupcije, koji će se objaviti na oglasnoj tabli i web stranici Univerziteta u Sarajevu – Elektrotehnički fakultet, sve shodno odredbama Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22) (u daljem tekstu: *Zakon*).

Član 2.

Prijavitelju se ne može smanjiti obim prava ili uskratiti neko pravo propisano Zakonom.

Zakonom su propisane i definicije i iste su u upotrebi prilikom prevencije i suzbijanja korupcije na Univerzitetu u Sarajevu – Elektrotehnički fakultet.

Član 3.

Postupak internog prijavljivanja korupcije na Univerzitetu u Sarajevu – Elektrotehnički fakultet, reguliran je shodno odredbama Zakona, i to na sljedeći način:

- Podnošenjem prijave korupcije od strane prijavitelja, koja se dostavlja putem kutije "ZA PRIJAVU KORUPCIJE", koja se nalazi u službenim prostorijama Univerziteta u Sarajevu – Elektrotehnički fakultet
- Podnošenjem prijave korupcije od strane prijavitelja putem elektronske pošte (e-mail: *prijava.korupcije@etf.unsa.ba*) navedene na zvaničnoj web stranici Univerziteta u Sarajevu – Elektrotehnički fakultet
- Na drugi način predviđen Zakonom.

Član 4.

Na sve što nije regulirano ovim Pravilnikom, primjenjivat će se pozitivnopravni propisi, a na prvom mjestu Zakon.

Određeno lice za prijem i postupanje po prijavama, u svome radu će se pridržavati odredaba ovog Pravilnika i pozitivnopravnih propisa, a na prvom mjestu Zakona.

Član 5.

Ovaj će se Pravilnik objaviti na oglasnoj tabli i zvaničnoj web stranici Univerziteta u Sarajevu – Elektrotehnički fakultet, i stupa na snagu danom njegovog donošenja.

Broj: 01- 5438 /22
Sarajevo, 03.10.2022. godine



DEKAN

Prof. dr. Jasmin Velagić